

Бѣсѣ.

Неправда то есть, і како можетъ быти,
 Ежебы жена могла мужа убити,
 Побѣдителя плѣнница одолѣеть,
 Лва ли овца съестъ,—то отнюдѣ не довлѣетъ.

Ангель.

280 Азъ правду глаголю, вѣрна жена побѣдитъ мужа,
 Егда за отчество і правду умрети ей нужна,
 Но нѣсть бо правда, яже ты, враже, глаголеши,
 Сынъ бо еси лжи, ты ко отцу своему да идиши.

Бѣсѣ.

Вижу, Юдиѣ, се есть прелесть явленна,
 285 Не мужа убьетъ, имъ будетъ убиенна.
 Вѣмъ бо, не получитъ она тако побѣду,
 Развѣ Олооерномъ себѣ велию бѣду.

Ангель.

Вѣси, яко сей женѣ дастся крѣпость тѣлесна,
 Юже азъ днешъ прѣдрекъ ей, і се дѣло нелесно,¹
 290 Понеже божия сила в немощныхъ является,
 Немощнымъ сосудомъ мужъ сильный побѣждается.

[л. 44 об.]

Бѣсѣ.

Я глаголю, время начинаетъ преставати,
 Яко Олооерну добръ помогати,
 Устрою его азъ такъ похотию разженна,
 295 Яко имъ Юдивъ будетъ на одръ положенна.

Ангель.

Есть злату і серебру огнь іскушение,
 Тако тѣмъ побѣдитъ плоти разжения,
 Сия бо жена свята предисна і вѣрна,
 Та побѣдитъ вѣрою врага Олооѣрна.

¹ В рукоп.: нелесна